

陋軒集

附錄集

函一
五冊
函

陋軒詩 卷七

泰州吳嘉紀野人著

寄鄧孝威

銅爐何代冶製古無人識歲月磨雕文渾然見異
質置身綺席上豈不勝金玉夜深吐芳氣氤氲久
不歇奈何美人遙寥寥自一室燃灰遂枯槁朱火
成隔絕逃迭雖甚馨何繇爲君發

又

黃鵠大羽翼乃向蘆中翔鼎烹奉仲繇顧之涕盈

裳甘肥信云美怙恃去高堂榮達事事好不如老
親傍人生得終養耄褐庸何傷髮白車輪邊展轉
爲餽糧裹糧望廬返依依暮景光

又

運會今如何紛紜執管籥有懷不肯默緣調發哀
樂歡娛情易靡悲愁響易索孰是和平奏尙須賈
人鐸大雅久荒蕪斯人起林薄操持正始音一唱
諧衆作矯矯泥滓中何用嗟淪落

時選
詩觀

汪扶晨自新安之吳門遇於竹西奉送四首

次扶晨
留別韻

泉石辭高臥風霜漫出遊獨行悲曠野卒歲在扁舟
烽火終年舉人煙幾處稠故山回首望不見陣
雲收

又

臘盡歸無計知稀懶自嗟故人來扣戶良夜似還
家逝水離雲壑飄蓬遇雪花艱難經歷了念汝髡
毛萃

又

相見當歧路貧悽共酒杯去春廬下米行折嶺頭
梅晴浴江鷗悅饑鳴澤鴈哀褐衣珍重甚老母別
時裁

又

路梗聞兵過囊開見客貧低顏聊貰酒高興忽尋
人殺戮遺身體歡娛報苦辛吳歌催酩酊燕語李
花春

采葑行

東家來采葑西家來采葑采罷去樊圃根荻委泥

土孰爲可棄孰可珍貴賤繇來本一身分歡共娛
在疇昔失意顧盼今何人南山北山手堪捧世間
莫如恩義重高歌拔劍出門行里中少年誰最勇
雲翻雨覆紛相欺鴻鵠無煩燕雀隨君食園瓜我
食瓠甘苦分明各自知

與程梅慙

昨聞徽州忽遘亂潛峰憶我程梅慙居民逃難莫
敢哭晝投山北夜山南山鬼前嘯猛虎後巖昏谷
邃路弗諳血氣少年罷已甚疾病奔走君何堪不

謂赤眉敬長者烽火不近潛峰嵐六邑沸騰日殺
掠此鄉醉歌人自酣始知善類若蔗枝根荻託處
多芳甘朝來寇退病亦痊行裝束與蒼頭擔涉江
蹈海何錄錄欲就安豐老友談野菜霽生牧豕地
岸花暄坼釣魚潭亂後相逢若爲喜春風鶴髮同
鬢髮

灣港謠

郎刺船儂夜炊飯熟共郎食未畢船頭已見飛鷺
鷺鷺飛飛下啄蚌水大船輕到灣港樹鳴東淘

鷄海黑三塘岸來到灣港程一半

舟中贈程聖瑞

時聖瑞往江南

羽檄日徵兵瑟瑟風嘶馬寒雲愁殺人十日暗原
野開門試延頸毛褐雪電打腐儒是贅疣行路何
爲者有客駕舟來偕宿桑榆下

又

負米辭行旅尋親適他縣江清舟自孤烽舉士將
戰戰壘行欲盡春風藹吹面阿翁若爲喜舉頭忽
相見柴門杏發花日出飛雙燕

又

江南多水村村植梅樹花開雪始晴蕩漾湖日
暮此中好隣舍櫂船互來去茆屋臨稻田婦人織
棉布自然足衣食何必桃源住

題圖詩十二首

甲寅孟春汪生伯先生七十初度先生行
誼類前賢者親友繪圖以介壽紀同孫豹
人製詩

劉殷授七子經史圖

受福貴多男昌後須設教男多教勿施往哲何繇
肖譬彼竽與笙雅音奏古調不蒙君吹噓徒然具
孔竅昔者劉長盛挺挺北方嶠七子皆不凡因材
各相造經史几案高燈火軒楹照清談誤人國閉
門不敢效

王祐三槐圖

積善如種木生意日夜滋晉公旣被放蒔植以寄
懷懷苦誰見諒祇應天地知天若知此懷吾後有
大時地若知此懷定茂吾三槐轉瞬樹凌雲華袞

兒孫披良辰霽襟抱童稚掃堦墀仰面視清陰黃
鳥鳴喈喈

虞玩之卻屐圖

踽踽虞少府來造蕭公席光輝袞繡間斜銳一雙
屐及席行且止醜物驚貴人舉手取相視回頭趣
贈新新恩豈不榮念故意逡巡一從競奢侈薦紳
多謬戾敝屐甚細微少府不肯棄儉約使人厚永
堪式頽世

陶侃運甓圖

人生各有爲照耀同白日去來相馳迫筋骨不遑
逸中原矧多事志士欲致力郡邑雖幽偏砥礪得
衆競光闇抱挈入光曙抱挈出四體惟自勤寸心
有誰識從此慣勞苦遂以濟家國光陰與人聖何
可易拋擲

劉凝之散錢圖

錯刀解擇主不聚義士囊志安隱荊州歲儉多感
傷眼中饑困人無計充其腸十萬遠相遺云是衡
陽王高人心忽貪受之氣揚揚提攜到市門分散

何匆忙春風吹道左愁苦變歡場紛紛糴米去
看樂未央

王烈感化鄉人圖

君子在鄉曲有如薰在鑪薰香使人聞不擇賢與
愚漢運昔云替彥方棲家上盜賊一相念不覺赧
然羞中懷久勿欺遺劍守道周清風起松下謏謏
遍鄉閭今日山中蘭昨日野中芻君看爭訟人望
見長者廬

范仲淹義田圖

羸氏廢井田千年民失所耕織旣無資衣食將安
取皇天篤范家希文大門戶困窮憐本族俸祿買
田土田父笑荷鋤稻花香帶雨秋成聚老幼樹下
開倉庾誰更有緩急餘廩以待汝雞栖命棹歸處
處煙火舉

邱成子反璧圖

右宰倏罹禍兒啼婦徬徨車輪何方來患難肯相
迎只緣杯酒歡平生不能忘祿食自此分同棲隔
垣牆孤兒稍成立故璧出輝光已蒙存母子終更

潤箱簾峩峩山岳高浩浩海水長俯仰天壤間丈
人德難量

楚丘先生說孟嘗君圖

七十楚丘生披裘髮皓皓田文不相知乃謂先生
老人生貴有用何必形容好善士如五穀衆士如
野草錯薪徒紛紜嘉禾令人飽運會值列國時事
多煩擾詞令與謀畫老成國之寶雞鳴狗盜徒雖
壯那足道

龐德公釋耒耜劉表圖

庸人愛子弟往往使爲官小柱承榱桷常有崩摧
患劉侯造龐公言設隴畝間新苗何油油妻子耘
于前冠蓋雖炫耀力作意自閑鴻鵠巢高枝黿鼉
穴深淵耒耜遺兒孫亦欲求其安安危世誰知長
吟對峴山

衛武公規箴圖

伏生年九十聖經授來學榮叟年九十彈琴歌且
樂強哉衛武公爾室尋愧忤年已九十五警顧何
矍矍古栢自孤清甘霖更澣濯出入有明戒怠荒

防暗作泉水容易流德基容易薄殷勤語師工倘
類章求角

講石君家居圖

漢臣田石奮徵祥集其家祿綬到門來擔石一何
多天子稱爲君尊崇無以加歸來暮景長皇恩日
優渥榮遇歷五君躬行先四國兒孫益孝謹卿相
盈廟廊朝回鄉里羨令德受冠裳百福繇一人雀
侍向高堂

寄程雲家